



10807

金華詩錄外集卷四

流寓一

宋

謝靈運

靈運陳郡陽夏人以祖父並葬始寧遂移籍會

稽晉孝武時襲封康樂公時宋公位相國以為

從事中郎遷世子左衛率及受禪降爵為侯武

帝崩出為永嘉太守辭歸文帝登祚徵為祕書

監遷侍中未幾稱疾歸好尋山陟險會稽太守

孟覲表其有異志帝惜其才授臨川內史後終

流寓

金華詩錄外集

卷四

一

以讒死

詩品稱康樂興多才高寓目輒書內無乏思外無遺物所言亦當後代遊歷山水之作往往以康樂為祖發書以其東陽

縣贈名品謂當至發與江文通並收游寓傳按康樂移會稽官永嘉富春渚七里瀨見諸吟咏此間密邇宜其為往來經歷之區依發書存之

東陽溪中贈答二首

可憐誰家婦緣流灑素足明月在雲間迢迢不可得

灑一作洗

可憐誰家郎緣流乘素舸但問情若為月就雲中墮

梁

江淹

淹字文通濟陽考城人經歷宋齊兩朝入梁為

散騎常侍遷金紫光祿大夫卒諡憲

詩品謂文通詩體總雜善于摹

擬以其有雜體詩也其實亦不盡爾發書以其有遊黃蘗山詩收入遊寓按黃蘗山在義烏縣北二十里一名黃蘗尖似可據也



遊黃蘗山

長望竟何極
閩雲連越邊
南州饒奇怪
赤縣多神仙
金峯各虧日
銅石共臨天
陽岫照鸞采
陰谿噴龍泉
殘杙千代木
麋峯萬古煙
禽鳴丹壁上
猿嘯青崖間
秦皇慕隱淪
漢武願長年
皆負雄豪威
棄劍爲名仙
况我葵藿志
松木橫眼前
所若同遊好
臨風載悠然

庾肩吾

肩吾字子慎
新野人八歲能詩
簡文帝在藩雅好文士
肩吾亦預其選
簡文卽位爲度支尙書

侯景矯詔遣肩吾諭當陽公
大心尋舉州降肩

流寓

金華詩錄外集

卷四

二

吾因逃赴江陵未幾歷江州刺史領義康太守

卒 按發書謂先孝標者有謝康樂江文通其實不止此也卽以詩考之

子慎有遊甌山詩發書據苑詩類選謂休文作不知在庾集馮惟訥編詩紀已斷其非沈作收歸庚矣庚又有侍宴餞東陽太守蕭子雲詩安知非與蕭有故而來耶王筠亦有東陽還經七里瀨贈蕭大夫詩則亦因蕭來遊也

劉之前更增此二人

遊甌山

平子去已久餘風今復追未必遊春草王孫自不歸路

高村反出林長鳥更稀寒雲間石起秋葉下山飛西河

方閱訓詁得解朝衣

子慎侍宴餞東陽太守蕭子雲云東部資良守北宮敦獻酬新枝漸接樹故凍欲含流盃花少餘雪

春寒極晚秋徒嗟白岸遠空想赤松遊

王筠

筠字元禮一字德柔琅邪人僧虔孫幼清淨好
學歷仕尚書殿中郎累遷太子洗馬中書舍人
與殷鈞並以方雅爲昭明太子所禮

東陽還經嚴陵瀨贈蕭大夫

子陵徇高尚超然獨長往鈞石宛如新故態依可想

闕

劉峻

峻字孝標平原人漢膠東王寄之後其先有名
植者爲平原守因家焉初名法武父爲宋始興
內史峻生一歲而父卒母攜之還鄉里年八歲
魏克青州爲人所略至中山富人劉寶愍之教

流寓

金華詩錄外集

卷四

三

以書學勤敏篤志常燎麻炬從夕達旦時或昏
睡薰其髮及覺復讀其精進如此旣而魏選物
望江南人士才學之徒咸見申擢而峻獨遺齊
永明中奔江南改今名孰書見有異本必往祈
借清河崔慰祖謂之書淫明帝時蕭遙欣爲豫
州引爲府刑獄久不調梁天監初召入西省典
校秘閣以往青州省兄私載禁物免官安成王
秀雅重之及遷荊州引爲戶曹叅軍給書籍使
撰類苑未成以疾去因遊東陽紫巖山築室居
焉初梁武帝招文學之士每集策經史事會言

錦被皆云已罄帝呼問峻請紙筆疏十餘事坐
客皆驚帝不覺失色自是惡之及類苑成凡一
百二十卷帝卽命學士揆華林編略以高之竟
不見用居東陽吳會人士多從其學普通三年
卒門人私謚元靖先生嘗自比馮敬通有三同
四異其所謂異者有曰敬通有子仲文官成名
立余禍同伯道永無血嗣是峻居東陽無後人
也今其讀書處後人名之曰講堂洞蓋以志景

仰云

山棲志云予生自原野善異難抑心駭雲臺望絕高蓋且沾濡
霧露彌願閒逸每思濯清瀨息椒邱矧專滋壤民欲天從爰泊
二毛得居巖穴東陽實會稽西部是生竹箭山川秀麗羣澤塊鬱若其
羣峯疊起則接漢連霞喬林布濩則春青冬綠廻溪洑流則千仞洞底

流寓

金華詩錄外集

卷四

四

膚寸雲合必千里雨散信卓犖爽遊神居奧宅是以帝鴻游斯鑄鼎兩
師寄此乖煙潤勃赤松之名山貽縉雲之號近代江治中奮迅泥滓王
徵士高拔風塵龍蟠鳳棲咸萃茲地良繇碧滿素石可致幽人者哉金
華山高拔風塵也蘊靈藏聖列名仙牒左元放稱此山云可免洪水五
兵可合神丹九轉金華之首有紫巖山山色紅紫因此爲稱靡逾坡陀
下屬深渚噴崑嶸上巖日月登自山麓漸高漸峻龍路迢迢隘魚貫而
升路側有絕澗聞啾啾俯窺木杪焦原石邑匪獨危懸至山將半便
有廣澤大川阜陸隱脈予之昔宇實在斯焉所居三面皆廻山周繞有
象郭郭前則平野蕭條目極通望東西帶二澗四時飛流清瀾微注滴
瀝生響白波跳沫洶涌成音巨瀆引流交渠綺錯懸瀾瀾于軒雲激瀾
廻于階砌供帳無絕汲盥息併苞楓櫛椅檉之產栢栢桂檜之植分
形異色千種萬族結朱實苞綠果括白帶抽紫莖纒羣萃萼梢清風鳴
衆籟垂條欄戶布葉房籠中谷澗濱華葉攢列至于青春緩謝萍生泉
動則有都梁含馥麝香送芬長樂負霜宜男滋露葉菓紅華照水阜蘇
縹葉從風憑軒未眺觸憂忘疾邱阿陵曲衆藥灌叢地聽抗釜山筋抽
節金盞重于素壁玉玻貴于明珠可以養性消疴還年駐色不藉崔文
黃散勿用負局紫九翮禽翔鳥風胎雨鷓鴣翼紅毛素纓翠鬣蕭蕭切
羽關關好音皆馴狎園池旅食雞鶩若乃鷄日伺長響猶鐘鼓鳴蛇候
罌登像琴瑟元猿薄霧清轉飛乘溼水吟嘈噴曉曉所以躡抗管
箛韞鞅笙簧宅東起招提寺背巖面壑層軒列景邃宇臨崖博敞間虛

納祥生白左瞻右睇仁智所居故碩德名曾振揚雲萃調心七覺詠詞
五塵郁烈戒香浴滋定水至于薰鑪夜藝法鼓巨闔予則跼履握衣躬
行頂禮詢道哲人欽和至教每聞此河紛緬彼岸未寂熙熙然若登春
臺而由宇宙惟善是樂豈伊徒言寺東南有道觀亭亭崖側下望雲雨
蕙樓南樹隱映林篁飛觀列軒玲瓏煙霧日止卻粒之氛歲集祈仙之
客銜星髓吸霞漿將迺雲衣霓裳乘流放鶴觀下有石井聳峙中澗雕
琢刻削頽頽人工灑流淙淙濟濟竹洑則有良田區區通接山泉石觀之
皆植修竹檣欒蕭瑟被陵緣阜外則有長田區區通接山泉石觀之
潤鄭白石滄莫之能凝紅粟流溢危崖充厭春田豐登擅碧雞冬草味踰
霜鷄穀中取于邱嶺短褐出自中國萊蔣遍徇于池湖營崩駟真子原
隰養給之資生生所用無不早實籛籛充物屋巖歲始年季農隙時間
澗醪初沸醪清新熟則有田父野老提壺並至班荆林下陳觴置酌酒
耐耳熟屢舞喧啾盛論箱庾高談穀稼嗚呼歌舉杯相抗人生樂耳
此權豈特山作入息晚食當肉莫辨榮辱匪知毀譽浩蕩天地之間心
無怵惕之警豈與稻生穡制揚子墮閣較其優劣者哉 列非標楊述
東陽無後而卒以爲儒公其當詩粹引冠書首居勞人之 次非也胡元
瑞曰龍城錄云金華山北有仙洞俗呼爲劉先生隱身處以松炬照之
石刻云劉屨字仲卿漢尉辭棣尉當恭顯之際極祿被貶于東取隱迹
于此莫知所終即道士蕭至元所記也山口人時得玉篆碑傳劉仲卿
每至中元日來降洞中此說吳正傳謂王性之偽撰所謂劉仲卿蓋卽

流寓

金華詩錄外集

卷四

五

孝標也此言殊不必然仲卿自有仲卿何必牽連及之耶孝標以文字
烟赫齊梁間篇什流傳絕寡始營山居而外有自江州還入石城一首
有云我忘淮海遊曾無朝市甞忽寄雲臺宿空軫及關歎竹又南楚
伯鸞出東漢何能棲樹枝取斃王孫彈其情亦可憫矣又出塞一首云
蒨門秋氣清飛將出長城絕漠衝風急交河夜月明隱敵掩金鼓摧鋒
揚旆旌去去無終極日暮動邊聲胡元瑞以爲響亮嚴整王揚極意無
以加也

始營山居

自昔厭諠囂執志好棲息嘯歌棄城市歸來事耕織鑿
戶闢嶠嶢開軒望嶺崩激水檐前溜修竹堂陰植香風
鳴紫鸞高梧巢綠翼泉脈洞杳杳流沃下不極彷彿玉
山隈想象瑤池側夜誦神仙記旦吸雲霞色將馭六龍
輿行從三鳥食誰與金門士撫心論胸臆

唐

崔顥

題卞州人開元十一年登進士第累官司勳員

外郎殷璠云顥少年為詩屬意浮豔晚節忽變常調風骨凜然按司勳題八詠樓云登臨白雲晚則遊發登樓之作也故與李頎

嚴維許渾錄入流寓

題沈隱侯八詠樓

梁日東陽守為樓望越中綠窗明月在青史古人空江

靜聞山狄川長數落鴻登臨白雲晚流恨此遺風

李頎

頎東川人開元十三年登進士第調新鄉尉殷璠

流寓

金華詩錄外集 卷四

六

云頎詩發調既新修詞亦秀雜歌尤善元理最長按東川八詠樓懷古云且登西北樓則亦曾至婺登樓也

八詠樓懷古

且登西北樓樓峻石墉厚突兀兩溪間俯壓三江口飛

階銜鳥衡交疏過牛斗左右會稽鎮出入具區數隱侯

一遺詠落簡尚餘芳粵余忝藩左神期遙相望

嚴維

維字正文山陰人至德二載擢辭藻宏麗科歷

官秘書郎徐獻忠云維詩錯綜亦密時出俊語如柳塘春水漫花塢夕陽遲野燒明山郭寒更出縣樓夜靜溪聲遠庭寒

月色深皆有自然之態神情疎暢自不可少按嚴許皆送人之作然嚴曰少年為客處許曰曾向此中遊即其自言已足據

送客之婺州

明月雙溪水清風八詠樓少年爲客處今日送君遊

許渾

渾字用晦丹陽人太和六年登進士第爲當塗
太平二縣令以病免起潤州司馬歷睦郢二州

刺史有丁卯集

徐獻忠云渾詩雖未登珪璋之列而煙雲風鳥之思揉弄亦已盡態

送客歸蘭谿

花下送歸客路長應過秋暮隨江鳥宿寒共嶺雲愁衆

木喧巖瀨羣峯抱沈樓因君幾南望曾向此中遊

按詩云路長應

過秋在遠方作也乃因落句可証舊遊故爲錄此集中有晚泊七里灘詩云江村平見寺山郭遠聞砧亦佳

方干

流寓

金華詩錄外集

卷四

七

干字雄飛桐廬人爲人質野見客設三拜曰禮
數有三人呼之爲方三拜貌寢缺脣以故有司

不與科名隱會稽之鏡湖後遇醫補脣已老矣

因終身不出鏡湖人稱補脣先生既卒宰臣張

文蔚奏文人不第者十五人追賜及第干與其

列門人私諡元英

元英先生居鏡湖自稱鏡湖處士與鄭仁規李頻陶詳爲三友耽苦吟其弟子楊會

編其詩以傳舍人王贊爲之序曰干之爲詩鍛肌滌骨水瑩霞綺嘉

肴自將不吮餘鶩麗不葩粉苦不棘癯當其得意倏與神會詞若未
至意已獨往先是丹陽有南陽張昶差前干生皆吳越之遺逸張昶
升杜甫之堂方干入錢起之室今其子孫遷蘭谿亦有居金華者以

鏡湖爲

始祖云

自嚴陵至東陽訪于邑侯

興宗

題涵碧亭

高低竹與松積翠復畱風路劇陰溪裏寒生暑谷中叢

花低覆草片水淨涵空方見洋源牧心倅造化功此詩郡志載前

四句作于興宗然按末二語當是方來訪于作故以此頌之也或者以此刪作絕句爲于作耶于爲賢侯當日劉夢得贈詩有如今縣令亦風流語不可不存其人故仍錄入名宦詩

東陽道中作

百花香氣傍行人花底垂鞭日易曛野火不知寒食節
穿林轉壑自燒雲

羅隱

隱字昭諫新登人本名橫十上不第因更名從

事湖南歷淮潤皆無合久之歸投錢鏐累官錢

金華詩錄外集 卷四

塘令鎮海軍掌節度判官監鐵發運副使著作

佐郎奏授司勳郎梁祖以諫議大夫召不行有

甲乙詩集

紀事隱初隱池之梅根浦自號江東生廣明中池守寶楠營聖居之隱凡鄴共場屋謂之三羅按東陽縣南五里勒馬峯下相傳以爲羅昭諫宅有墨池存焉今東邑俚俗口號動輒爲識皆託于羅窮鄉婦孺亦莫不知有羅隱秀才者恐當日不赴朱梁之招而來隱此不至如是豈其人耶抑傳之非其真耶

題耆闍寺壁

脈脈復涓涓接竹引清泉春夏常如此秋冬亦復然山

之左有泉味甚甘冽可敵西泠虎跑因亦名虎跑流經寺中以池蓄之涓涓不絕相去半里有瀑布泉又西二里許有五老峯寺前有浮圖七座皆異常制

韋莊

莊字端已杜陵人見素孫乾寧元年登進士第

授校書郎轉補闕王建開蜀莊以中原多故欲
依建辟掌書記歷吏部侍郎平章事卒于蜀諡

文靖有浣花集

按莊浣花集爲其弟藹所編序略云家見百庚子亂離前兵火迭興簡編俱墜惟餘口誦者所存無幾爾後流離漂泛寓目緣情迄于癸亥又綴千餘首則此婺州諸作正流離漂泛寓目緣情之所由也

婺州和陸諫議將赴闕懷陽羨山居

望闕路仍遠子牟魂欲飛道開燒藥鼎僧寄臥雲衣故
國饒芳草他山挂夕暉東陽雖勝地王粲奈思歸

婺州水館重陽日作

異國逢佳節憑高獨苦吟一杯今日酒萬里故鄉心水
館紅蘭合山城紫菊深白衣雖不至鷗鳥自相尋

流寓

金華詩錄外集

卷四

九

婺州屏居寄謝右省王拾遺降訪

三年流落臥江濱王粲思家拭淚頻寒角莫吹殘月夜
病心方憶故園春自爲江上樵蘇客不識天邊侍從臣
怪得白鷗驚去盡綠蘿門外有朱輪

東陽贈別

繡袍公子出旌旗送我搖鞭入翠微大抵行人難訴酒
就中詞客易沾衣去時此地題橋去歸日何年佩印歸
無限別情言不得回看谿柳恨依依

東陽酒家贈別

天涯方歎異鄉身又向天涯別故人明日五更孤店月

醉醒何處各霑中

宋

楊時

時字中立南劍將樂人登熙寧進士第調汀州
司戶不赴往師程伯子及歸伯子目送之曰吾
道南矣伯子卒又見叔子一日叔子偶暝坐時
與游酢侍立不去既覺門外雪深一尺矣杜門
力學者十年始出歷知瀏陽餘杭蕭山三縣皆
有惠政宣和六年召為祕書郎遷著作郎歷諫
議大夫多所建白以論三經義辨不合于時乞

流寓

金華詩錄外集

卷四

十

罷諫省高宗立召為工部侍郎以龍圖閣直學

士致仕卒諡文靖學者稱之為龜山先生

先生子紹興間

游金華潘黥成從之學王師愈幼而穎悟黥成攜之見龜山出論語傳
相示師愈拜而愛焉見呂祖儉所作師愈行狀按此為婺州理學之先
聲而在婺州時詩不得見錄此目
不再得詩以冠宋代寓賢之首

此日不再得

此日不再得頽波注扶桑颺颺黃小羣毛髮忽已蒼願
言媚學子共惜此日光術業貴及時勉之在青陽行矣
慎所之戒哉畏迷方舜蹠善利間所差亦毫茫富貴如
浮雲苟得非所臧貧賤豈吾羞逐物乃自戕胼胝奏艱
食一瓢甘糟糠所逢義適然未殊行與藏斯文已云沒

簡編有遺芳希賢亦賢途要在用心剛譬猶適千里駕
言勿徊徨驅馬日云遠誰謂阻且長末流學多岐倚門
誦韓莊出入四寸間雕鐫事詞章學成欲何用奔趨利
名場挾策博塞遊異趣俱亡牟我嬾心意衰撫事多遺
忘念子方妙齡壯圖宜自強至寶在深不憚勤梯航
茫茫定何求所得安能常萬物備吾身求得舍則亡雞
犬猶知尋自棄良可傷欲爲君子儒勿謂予言狂

朱子

諱熹字元晦婺源人父松依友劉子羽寓建之
崇安生而穎異甫能言父指天示之曰天也問

流寓

金華詩錄外集

卷四

土

天之上何物父奇其語授以孝經卒讀書其上
曰不知是非人也從羣兒戲沙上獨端坐以指
畫八卦慨然有求道之志年十八貢于鄉登進
士第調同安簿在仕版五十年祇九考立朝纔
四十日爲韓侂胄所惡黨禁嚴錮猶日與諸生
講學不倦慶元五年致仕卒侂胄死禁弛賜諡
文寶慶三年贈太師追封信國公紹定三年改

徽國公

按文公來婺州與呂東萊陳龍川爲講學之友且以長子
塾從東萊遊後以時禁辟地東陽之石洞成大學中庸章
句其底本猶有存者五書答郭希呂書所以規勉之者甚至郭氏得道
像藏石洞歲時祭奠于今不絕也婺州理學實所提唱乃謂至義烏爲
劉剡史下墓其裔孫刻文公古墓之語記年記代以占休咎如術家之
識附會穿鑿以誣昔賢載之邑志并託名于呂祖儉之記大可怪也又

按東陽志載別呂敬夫詩卽集中酬敬夫贈言并以爲別之作詩有云
我行二千里訪于南山陰不憂天風寒况憚湘水深豈在金華作耶文
公拜張魏公墓詩云衡山何趨魏湘流亦湯湯南軒送晦菴詩云南山
對牀語匪爲林壑幽又云超然會太極眼底無全牛文公酬敬夫贈言
其二云始知太極蘊要妙難名論語言針對則此敬夫乃南軒也安得
移甲作乙以誣古人東陽歷朝詩亦誤收此作大儒傳述未與詩家流
連景物者不同不必定采婺州遊覽贈答之篇爲此邦增重謹
錄齋居感興二十章以誌四先生道學之所由來庶幾不誣

齋居感興二十首

有序 附錄
何北山詩解

余讀陳子昂感寓詩愛其詞旨幽邃音節豪

宕非當世詞人所及如丹砂空青金膏水碧

雖近乏世用而實物外難得自然之奇實欲

效其體作十數篇顧以思致平凡筆力萎弱

竟不能就然亦恨其不精于理而自託于仙

流寓

金華詩錄外集

卷四

七

佛之間以爲高也齋居無事偶書所見得二

十篇雖不能探索微眇追述前言然皆切于

日用之實故言亦近而易知旣以自警且以

貽諸同志云

昆侖大無外旁薄下深廣陰陽無停機寒暑互來往皇

犧古神聖妙契一俯仰不待窺馬圖人文已宣朗渾然

一理貫昭晰非象罔珍重無極翁爲我重指掌

何北山曰
此章當作

三節看然只一意首四句言盈天地間別無物事一陰一陽流行其中實天地之
功用品彙之根柢次六句言伏羲觀象設卦開物成務建立人極之功末二句周
子立圖著書發明易道再開人極之功無極翁只
是舉濂溪之號猶昔人目范太史爲唐鑑翁爾

吾觀陰陽化升降八絃中前瞻旣無始後際那有終至

理諒斯存萬世與今同誰言渾沌死萬世驚盲聾黃龜齋曰兩篇皆言陰陽但前說橫看底此說直看底所謂橫看者是上下四方遠近大小此氣拍塞無一處不周無一物不到所謂直看者上自開闢以來下至千萬世之後只是這箇物事流行不息 此注是北山述黃龜齋之言 按

人心妙不測出入乘氣機凝冰亦焦火淵淪復天飛至
人秉元化動靜體無違珠藏澤自媚玉韞山含輝神光

燭九垓元思徹萬微塵編今寥落歎息將安歸何北山曰此章言人

心出入無時莫知其鄉凝冰焦火則喜怒哀懼不常之心也淵淪天飛則奔逸不制之心也皆氣之所為孟子所謂放心也惟聖人之心如元化之宰制萬有故曰秉元化也吾人謂氣為馬心為君心之出入隨氣之動靜如乘馬然故曰乘氣機惟心君則能為之主宰政事此之謂動靜體無違此體字如以身體道之體一動一靜不離腔子內此之謂體靜能體之故和順積中見而益昔如玉潤山珠媚澤也動能體之故神完思清明無不達而能燭九垓徹萬微也沒一世于詞章利欲之塗聖賢傳心之要具在方冊棄為陳編有志于道者將安歸乎此所以歎息也

金華詩錄外集 卷四 十三

靜觀靈臺妙萬化從此出云胡自蕪穢反受眾形役厚

味紛朶頤妍姿坐傾國崩奔不自悟馳騫靡終畢君看

穆天子萬里窟轍迹不有祈招詩徐方御宸極何北山曰此章言人

心至為虛靈萬理畢具自應役萬物而君之今反以狗欲之故坐受耳目鼻口衆形之役而不自覺飲食男女固欲之大凡物之可喜可好者亦悉為此誘奔趨馳驚無有止息如穆王車轍萬里肆其後心至于亡國而後已聖狂之分奚翅天淵然其端甚微只在一念收放之間此道心所以為微人心所以為危也

涇舟膠楚澤周綱已陵夷况復王風降故宮黍離離元

聖作春秋哀傷實在茲祥麟一以蹈反袂空漣而漂淪

又百年僭侯荷爵珪王章久已喪何復嗟歎為馬公述

孔業託始有餘悲拳拳信忠厚無乃逃先幾

東京失其御刑臣弄天綱西園植姦穢五族沉忠良青

青千里草乘時起陸梁當塗轉凶悖炎精遂無光桓桓
左將軍仗鉞西南疆伏龍一奮躍鳳雛亦飛翔祀漢配
彼天出師驚四方天意竟莫回王圖不偏昌晉史自帝
魏後賢蓋更張世無魯連子千載徒悲傷

晉陽起唐祚王明紹巢封垂統已如此繼體宜昏風塵
聚瀆天倫牝晨司禍凶乾綱一以墜天樞遂崇崇淫毒
穢宸極虐燄燔蒼穹向非狄張徒誰辨取日功云何歐

陽子秉筆述至公唐經亂周紀凡例孰此容侃侃范太
史受說伊川翁春秋二三策萬古開羣蒙

何北山曰五章至七章皆爲溫公通

鑑而作溫公此書欲接春秋而一時區處猶未盡善如此三章所指之失蓋其節
口之大者五章言託始之意失于先幾然猶可也至六章七章所指乃君臣之綱

金華詩錄外集

卷四

古

天經地義萬世不可易者今乃出帝世之胃而以篡賊接東漢之統去詞聖之年
而以北雜亂唐室之緒此豈可以爲訓誠故深爲惜之而再修綱目之編也但以
溫公盛德素所尊敬而婉其詞如言帝魏歸罪于晉史而望後賢更張則所以望
公也既不能然則歎無魯仲連以致悲傷之意又如紀武氏事罪歐公而美范太
史能御武氏之號繫嗣聖之年或書帝在房屢謂其得春秋之二三策而其說受
之伊川此義伊川亦嘗言于溫公范氏實隸修通鑑局分管唐史未有不陳于溫
公者公不以爲然爾此皆朱子不滿于
溫公但言甚婉切人不知爲通鑑而發

朱光徧炎宇微陰眇重淵寒威閉九野陽德昭重原文

明昧謹獨昏迷有開先幾微諒難忽善端本綿綿掩身

事齋戒及此防未然閉關息商旅絕彼柔道牽

何北山曰首四句言

天道消長之幾次四句言人心善惡之幾蓋天地只有一箇陰陽無不自人身上
透過故人身氣機實與天地同運故君子于陰陽初動之時自當隨時省察以盡
閑邪育德之道是以月令于冬夏至皆有掩身齋戒之文早爲之所庶幾陽明
日盛而德性益周陰濁莫乘而物欲不行耳至于閉關息商旅所以養陽氣用金
柅之剛以止柔道之牽此又聖人贊
化欲之事此篇亦爲在上君子言之

徵月墮西嶺爛然衆星光明河斜未落斗柄低復昂感
此南北極樞機遙相當太乙有常居仰瞻獨煌煌中天

照四國三辰環侍旁人心要如此寂感無邊方

何北山曰上章言人

身處天地同運而常欲扶陽抑陰此章言人心與辰極以靜制動兩篇皆說陰陽亦皆是爲在上之君子言之

放勳始欽明南面亦恭已大哉精一傳萬世立人紀倚

歟歎日躋穆穆敬止戒癸光武烈待旦起周禮恭惟

千載心秋月照寒水魯叟何常師刪述存聖軌

何北山曰此章言列

聖相傳心學之妙惟在一敬

吾聞庖犧氏爰初闢乾坤乾行配天德坤布協地文仰

觀元渾周一息萬里奔俯察方儀靜隕然千古存悟彼

流寓

金華詩錄外集

卷四

五

立象意契此入德門勤行當不息敬守思彌敦

大易圖象隱詩書簡編訛禮樂矧交喪春秋魚魯多瑤

琴六全寶匣絃絕將如何興言理餘韻龍門有遺歌

何北山曰此章

言聖入之道備于六經自厄于秦火又汨于經師而其文字亦且錯亂乖離况道之精微乎今幸程叔子嘗表章條理深探精思以續涖泗之絕響其遺音未泯此

固謙詞然自任之重亦有不得而辭者故詩書則去小序之陋而求經文之正意易則遺古篇第之舊而義主占象以窮義文之本旨禮樂則求其合者而有經有

傳至于精研龍門之微以上接魯鄒之正傳自濂洛門端以求其混掃廓大之功未有高焉者也

顏生躬四勿曾子曰三省中庸首謹獨衣錦思尚絅偉

哉鄒孟氏雄辨極馳騁操存一言要爲爾挈裘領丹青

著明法今古垂煥炳何事千載餘無人踐斯境

元亨播羣品利貞固靈根非誠諒無有五性實斯存世

人逞私見鑿智道彌昏豈若林居子幽探萬化原何北山曰此章

大旨只是太極圖說定之以中正仁義而主靜之意然其主意是為鑿智而發

飄飄學仙侶遺世在雲山盜啓元命祕竊當生死關金

鼎蟠龍虎三年養神丹刀圭一入口白日生羽翰我欲

往從之脫屣諒非難但恐逆天道偷生詎能安何北山曰生則有死

天道之常今神仙家所為雖似清高究其言意只是貪生怕死逆天私已豈是循理程子曰此是天地間賊蓋修身以俟死者聖賢所以立命也保煉延年者道家所以偷生也

西方論緣業卑卑喻羣愚流傳世代久梯接凌空虛顧

盼指心性名言超有無捷徑一以開靡然世事趨號空

不踐實蹟彼榛棘途誰哉繼三聖為我焚其書何北山曰此章言釋

流寓

金華詩錄外集 卷四 六

氏始則妄談因緣痛說罪業以誘愚下之聽及其久也又直指心性肆講空無以惑高明之人其言善幻莫可究詰其禍烈于洪水焚其書散其徒以正人心以厚民生豈不足以為聖人之徒哉

聖人司教化賢序育英才因心有明訓善端得深培天

敘既昭陳人文亦褰開云何百代下學絕教養乖羣居

競葩藻爭先冠儒魁浮風反淪喪擾擾胡為哉何北山曰此詩歎科

舉之弊斲喪人心敗亂風俗其害有不可勝言者

童蒙貴養正孫弟乃其方雞鳴成盥櫛問訊謹暄涼奉

孟勤播灑擁篲周室堂進趨極虔恭退息常端莊劬書

劇嗜炙見惡逾探湯庸言戒麤誕時行必安詳聖途雖

云遠發軔且勿忙十五志于學及時起高翔何北山曰古人教養童蒙事親

之節敬事之方心術之微言行之常雖未進以大學然所以固其筋骸之束澄其
義理之源及長而進之大學自不費力發軔且勿忙者欲盡其小而無躓進其大
也及時起高翔者欲進爲
其大而不苟安其小也

哀哉牛山木斤斧日相尋豈無萌蘖在牛羊復來侵恭

惟皇上帝降此仁義心物欲互攻奪孤根孰能任反躬

艮其背肅容正冠襟保養方自此何年秀穹林何北山曰此爲時之

已過而不及小學者發即文公所謂持敬以補小學之缺是也

元天幽且默仲尼欲無言動植各生遂德容自清温彼

哉夸毘子咕囁徒啾喧但逞言辭好豈知神監昏曰余

昧前訓坐此枝葉繁發憤永刊落奇功收一原何北山曰奇功收一

原用陰符經中絕利一原用師十倍之語陰符此二語文公極奇之時時揚舉有學者問其義文公曰絕利者絕其二一原者一其元木豈惟用兵凡事皆然倍

流寓
金華詩錄外集 卷四

七

如功必倍之謂大樂謂專一則有功也
警者善聽警者善視皆是專一故有功也

題應文臣卜居

曾聞買宅先買鄰異鄉得見故鄉人山中儘有煙霞趣

豈特桃源好避秦純樸翁應怡廉隅砥礪一介不苟教授生徒必依于禮義忠信學者翕然從之嘗自贊曰不能執中寧過于厚

不能爲寧過于守亦中行之亞也謹錄此詩以存純樸翁之名

張子

諱棫字敬夫綿竹人浚子蔭補秘閣歷秘閣修

撰荆湖北路運副雅有公輔之望司天奏相星

在楚地上意注棫當路益忌之改知江陵尋以

疾丐休未幾卒爲人坦易明白表裏洞然嘉定

八年賜諡宣

朱呂訂交儒術大振一時名賢
絡繹而來小鄒魯之所由起也

八詠樓有感

仲舒舊事無人記家令風流一世傾天下何曾識真吏

古來幾許尙虛名

原注王仲舒
守葵有異政

金華詩錄外集卷四

金華詩錄外集

卷四

六

流寓

古來幾許尙虛名

仲舒舊事無人記家令風流一世傾天下何曾識真吏

八詠樓有感

八年賜諡宣

金華詩錄外集卷五

流寓二

宋

陳傅良

傅良字君舉瑞安人登進士甲科教授泰州參政龔茂良薦改學錄出判福州歷浙江提點刑獄召爲吏部郎再遷至起居舍人兼權中書舍人會帝疾召內侍陳源爲押班傅良不草詞爭于廷改祕閣修撰不受寧宗立召復職又爲韓侂胄黨所排削秩嘉泰二年起授集英殿修撰

流寓

金華詩錄外集 卷五

一

致仕卒諡文節

石洞貽方載文節詩送郭希呂歸惓惓之意見于言外其爲德誠晚詞則曰凡今爲我友強半

與君遊作石洞傾月詩則曰令我日佇立非雪詩則曰使我耳目亂當日必與朱呂魏葉諸公同游處于石洞中也郡邑志不載依石洞貽芳詩錄入

流寓

哭呂伯恭郎中舟行寄諸友

去年上溪船落日建安旄今年上溪船濡露金華草嘗代能幾人胡不白髮蚤念昔會合時心事得傾倒倚廬魚鼓夜聯轡雞人曉遐搜接混茫細剖入幽眇挹注隘溟渤扶攜薄穹昊斯文何契濶之子復彫槁百年在無窮寥廓一過鳥家人徵舊聞學者拾餘藁區區存萬一散逸誰可保君看魯論上彭壽顏回天于今懸日月豈

必言語好儻無後來者泯沒秋毫小南浮吳蜀會此顧
關河杳懷哉各努力人物古來少

送郭希呂歸石洞

我門閉重重我徑阻且深梅花獨相依聊以慰我心美
人從何來崎嶇亦幽尋亦于冰雪中而和南風琴棗甲
尚可羹生芻足同斟不知歲已華歸興生霜砧欲別復
少住棲鳥歸月林客去鳥翻飛落花滿牆陰

詠石洞諸境

幽人有遐心葦屋涵澄空况復得此山心事與境同
一壑亦易得安得桂枝林道人偶見之不是歲月深

流寓

金華詩錄外集

卷五

二

兩崖束青天中有月皎皎乍可謂月低不可謂天小

月喉

促膝有仙凡爛柯無小大誰知桃源人不在秦晉外

小爛柯 傾月

嘗聞鳳棲梧桐老鳳未棲今我日佇立不知月東西

關雲

雲以無心出雲歸亦何心樵牧窺其藏妄意此阻深

玉泉

清曉閱草木各具天一水安得學餐玉將以斲不死

非雲

涓涓從空來霏霏自石見安得此尤物使我耳目亂

關 壺天

凭闌時獨立萬象皆見前若非著眼高是亦天一偏

石井

鬻釜吾已漑吾纓亦無塵窪石以貯之恐有抱甕人

葉適

葉水心跋云右澗卅十詠余嘗評公詩不用詩家常律及其意深義精自成宮徵而攻詩者反皆退舍殆過古人矣然惟公能之欲學者輒不近也

適字正則末嘉人登淳熙進士授平江節度推
官史浩薦改浙西提刑幹辦公事士多從之游
以參政龔茂良薦名爲太學正遷博士輪對奏
恢復之事極切直歷寶謨閣待制知建康府兼
沿江制置使金兵大入建康震動適募得悍少
使采石將徐緯統以往夜遇敵蔽茆葦中射之
敵錯愕不進又命石跋定山之人劫敵營得其
俘馘以歸城中始安進寶文閣兼江淮制置使
措置屯田議立堡塢使淮民復業卒贈光祿大
夫謚忠定

水心來東陽郭欽止家主石洞書院講學朱文公呂成
公嘗相訪焉水心有石洞書院記載石洞貽芳宋詩鈔

流寓

金華詩錄外集

卷五

三

云忠定詩用工苦而造境生皆鏗液經籍自見天真無非迹刻縵之
迹麗出于冷故不厭淡生于練故不枯曾點之瑟方希化人之酒欲清
其意味
足當之

陳同甫抱膝齋二首

昔人但抱膝將軍擁和鑿徒知許國易未信藏身難功
雖愆歲晚譽已塞世間今人但抱膝流俗忌長歎儒書
所不傳羣士欲焚刪譏訶致囚箠一飯不得安珠玉無
先容松柏有後艱內窺溪澗息仰視冥冥翰勿憂兩髀
消且令四體胖徘徊重徘徊夜雪埋前山

音駭則難聽問駭則難答我欲終言之恐復來尊沓培
風鵬未高弱水海不納匹夫負獨志經史考離合手振

二十年柔條起衰颯念烈儻天回意大須事匪偶然不
施用甘盡齋中榻寧爲楚人弓亡矢任輓踏莫作隨侯
珠彈射墜埃塹

送呂子陽自永康攜所解老子訪余畱未久其
家報以細民艱食急歸發廩賑之

收纓古蜜浦抱袂生薑門九九書自註邀余綴篇端久
衰余學廢彌隱子道尊時惟冬雷數雲雪常晝昏火把
起夜色丁鞞明齒痕小邦肥豕闕鰕蛤濫充盤椒橙失
滋味糝絮勞傾吞詔朝報家問翦書徵阿孫苦陳鄉人
飢采蕨啖其根倉封井花滿淘米安得渾覓翁如覓父
流寓

金華詩錄外集

卷五

四

願假東飛翰念之不遑處喟焉整歸鞍我老澹百慮身
世兩莫存欲私一壠潤豈救大培乾西城柳搖搖北寺
江漫漫勿令嗟來死以慰道路難

題月谷

昔從東萊呂太史秋夜共住明招山正見谷中孤月出
倒影接碎長林間憑師記此無盡意灑掃一方相對閒

送鞏仲同

花溪初逢日苦短滴洲重尋意更長天催鶴鴿玉樓去
激流不竝龍洲旁春風忽高行旆起酒盡何如添野水
古來交契看老時與公安得輕別離

蜂兒樾歌

平林常樾啖俚蠻玉山之產升金盤其中一樹斷崖立
石乳蔭根多歲寒形嫌蜂兒尙麤率味嫌蜂兒少標律
昔日取急欲高比今我細論翻下匹世間異物難並兼
百年不許羸栽添餘甘何爲滿地澀荔子正復漫天甜
浮雲變化嗟俯仰靈芝醴泉成獨往後來空向玉山求
坐對蜂兒還想象

登北務後江亭贈郭希呂

壁上陋室銘門外翦茆亭小市魚蝦散寂寂大江風浪
來冥冥郭翁雖老貌猶澤腹貯今古心和平只應獨將

流寓

金華詩錄外集

卷五

五

笏拄頰清坐都不挂毫髮何必隨逐欄頭奴日招稅錢
三萬億前靈運後延年桑麻舊國常宛然城積路闕總
令好不知于人安穩否

石洞書院

好泉好石入君廬霧鎖雲封未敢居若挹風光當豪饌
豈同經史作寒菹庭中著老易無過畹內蘭滋詩有餘
只此盡知賢聖樂世間青紫亦空虛

魏了翁

了翁字華父邛州人本姓高出繼魏氏幼入學

如成人年十五著韓愈論潛心正學從李燔輔

廣游時嚴偽學之禁了翁毅然不回登慶元進士授劔南西川節度判官召爲國子正改武學博士紹定五年歷寶章閣待制進華文閣時權臣相繼擅國了翁應詔論十弊分別利害榮若白黑上讀之感動名權禮部尙書入對論彌遠十罪改吏部凡六閱月前後二十餘奏皆當時急務上嘉納之將引以知政忌者謂了翁知兵乃出督視京湖軍馬奏邊防十事二句名還未幾卒贈大師諡文靖

題石洞

流寓

金華詩錄外集

卷五

六

跨澗飛虹入洞門石梯級級樹森森兩崖對立自賓主
一水長流無古今仙子吹笙招鶴舞騷人得句伴猿吟
箇中便是蓬萊境何必迢迢海上尋

陸游

游字務觀山陰人十二能詩文蔭補登仕郎鎖廳薦送第一秦檜孫墳居次檜不說明年試禮部復置游前列檜顯黜之繇是爲所嫉檜死始赴寧德簿以薦除勅令所刪定官孝宗初遷樞密院編修名見賜進士出身尋免去五爲州別駕西泝熨道范成大帥蜀爲叅議官以文字交

不拘禮法人譏其放因號放翁累遷至寶章閣待制致仕封渭南伯卒孝宗嘗問周必大曰今

詩人亦有如李太白者乎必大以游對人呼爲

小太白

劉後邨云近歲詩人雜博者堆隊仗空疎者窳材料出奇者費搜索縛律者少變化放翁記問力量才思氣魄南渡

而下故當爲一大宗 查他山云山谷放翁俱從小陵分派然山谷奇處在生放翁妙處在熟所謂同源而異流也 按放翁妙處在熟之論固爲定評然亦有太熟處晚年漸覺近率竹垞翁嘗摘其律句相似者示人此亦熟之過也志稱放翁少年隨父避難東陽之安文然其石洞詩詠桂壑云我欲辨其族 衰病空慨然又不獨少年來發州矣

最高亭

高亭新築冠鰲峯眼力超然思不窮膚寸油雲澤天下

大千沙界納胸中春遊到處羣花擁夜飲歡時百榼空

流寓

金華詩錄外集

卷五

七

劉白老來忘世味只將詩酒伴裴公

石洞新釀

從事今朝直到臍春和盎盎卻秋淒色同夷甫玉塵尾

價敵茂陵金裊瑞露頗疑名太過橐泉猶恨韻差低

山園雪後梅花動一榼常傾千日攜

自注桂林瑞露得名最盛岐山橐泉價冠秦獨然失之太

勁皆不可望石洞者也

詠石洞諸境

勝遊謝車馬從此始青鞵俗士洗褊心達人增曠懷

清曠亭

小山有桂枝名自騷人傳我欲辨其族衰病空慨然

桂壑

我昔沂三峽仰天如足練安得中天月正用此時見

月皎

山中一枰棋塵世底事無若復計勝負與彼亦何殊小欄柯
種梧待鳳雛此計乃可笑不如看月墮與子舒清嘯價月

我誦明逸詩豹林不可到斯山幸不遠何日歛紗帽高碧巖

白雲如高人擇友常傲世朱門三千客一點不可致關閣

吾廬在目中日可理輕策乃知壺中天端勝縮地脈壺天閣

酌泉嚙冰玉肺腑生慘凜老夫桑苧家頗欲續水品石弄

摘玉毀珠璣蒙莊有淚指向郭不能傳千載付吾子玉泉

我昔遊青城六月對雪山吳蜀邈萬里安得在此間非雪

羣仙停鶴馭玉佩搖空山金丹定分子往綴通明班玉佩

蒼崖韞白璧欲上渺無路但照太史占虹氣貫寶婺韞玉巖

流寓

金華詩錄外集 卷五

八

茲山多異境飛仙亦稅駕勿遣俗客來恐妨笙鶴下笙鶴亭

懸瀑若劍立空山如鏡平未將照魑魅且用斬長鯨倚劍

采芝夏黃公賣藥韓伯休吾友子郭子高趣可與俾藥圃

東陽道中

風歛烏帽送輕寒雨點春衫作碎斑小吏知人當著句

先安筆硯對溪山

東陽觀醮醮

福州正月把離杯已見醮醮壓架開吳地春寒花漸晚

北歸一路摘香來

謝翱

翺字臯羽長溪人宋末文丞相天祥開府延平
以布衣諮議叅軍天祥卒亡匿之越之南鄙依
浦陽江方鳳時永康吳思齊亦依鳳居三人無
變志又皆高年遂俱客吳氏里中一不問當世
事翺嘗登巖子陵釣臺北向酌酒以竹如意擊
石歌曰魂歸來兮何極魂去兮關水黑化爲朱
烏兮有嚼焉食歌已哭失聲人莫詰其誰何惟
鳳與思齊深悲之也及居錢塘病革囑其妻以
文與骨授方方爲之葬其會友之所名汝社取
晚而信也慕屈平託遠遊因自號晞髮子

按皇初
當執筆

流寓

金華詩錄外集

卷五

九

遐思身與天地俱忘語人曰用志不分鬼神將避之此正其立身制行
之本不獨爲文也宋濂溪爲吳淵穎文集賢公作狀云鄉先生方公鳳
與謝公翺吳公思齊與處或談名理及古今成敗治亂
或相與倡酬歌詩公嘗侍側聞其言有會心處輒記之

雪中方四隱君訪宿有詩憶鹿田風雨舊遊奉

和併呈吳六贊府

金華入北山空響出靜竚鹿田在其顛肺石來風雨有
客六七人昔遊至其處惟我愁不眠起坐蹴君語謂此
定何聲百感生離緒旣非琴與瑟復異砧將杵醉者呼
不應愁者自爲苦空櫺怯孤衾展轉如巢樹濕歌散餘
悲以足拊柱礎爾來又七年欲至困羈旅傳聞老桑門
已復蟬蛻去入山惡少年巾鉢空其聚乃知人世間何

者爲客主而我同懷人忽復異處所夢中遙相望各抱
不售賈有客不同遊亦是同懷者地主況有期輿馬不
待假儻規宿山中畸人不應舍

遊仙華寺詩

溼雲搖空荒顧影悲局縮懸鏗辛夷楫照此風露宿壇
中落葉滿林下虎行獨惟有鬢髻愁千歲老巖腹

寶掌山

寶掌一山何勝絕老龍千歲事已別巉巖怪石峭森立
矯首三洞蹇奇崛不知何年風雷烈鑿開渾沌此營裂
高洞攀緣與天接棲鷗居巢勢擘罅隙泉漏滴清且激
流寓
薛蘿爲衣儼陳設中有洞兮巧融結四達坦明如我闔
低山一洞尤寥泲鏗然谷響合音節更愛孤蟬遠林咽
又疑帝子笙歌徹乘風便覺神飛越落景徘徊就僧榻
好向天風更搜抉相期夜半踏明月

韶卿住烏傷寄劉元益

他日憶逢君林中訪惠勤鹿麕行處見流水別時聞草
沒秦人冢山通越國雲音書年歲失莫訝白鷗羣

雨夜呈韶卿

相看隴水雲一夕幾回分預恐今宵雨他年猶自聞野
花同楚越江靄雜朝暉不得鋤芝朮逢樵卻寄君

寄韶卿

莫因梅柳憶西湖且守仙華小隱居霜木絕隣諸老盡
雨鐙動是十年疎休官陶令長思友陋巷稽康懶報書
衣食有餘休浪出我愁無地可耕漁

諸老盡雨鐙動是十年疎
二人交與之情于此可見

元

尹廷高

廷高字仲明遂昌人遭亂轉徙宋亡二十始歸
故鄉寧教永嘉秩滿至京謝病歸有玉井樵唱

正續藁

仲明父竹坡以能詩稱仲明自題藁云先君登癸丑奉常
第宦游湖海作詩凡千餘首丙子家燬于寇遺編散落無

流寓

金華詩錄外集

卷五

十一

一存者僅憶秋日寄僧一聯云白蘋影蘸無痕
水黃菊香催未了詩先業無傳不肖孤之罪也

八詠樓

被褐便歸休登臨底用愁樓空偏愛月山瘦不勝秋二
水城根合孤雲天際浮倚闌千古意鴻影去悠悠

雙溪道中值風雨

竹輿伊軋嶺嶇崎三宿纔方出翠微遠水帶煙爭晚色
西風挾雨作寒威綠莎路繞黃泥岸烏柏林藏白板扉
屈指重陽歸又近樽前兒女笑牽衣

薩都刺

都刺字天錫本答失蠻氏祖父以勳畱鎮雲代

遂爲雁門人薩都刺者漢言濟善也登泰定進士應奉翰林文字歷河北廉訪經歷尙書有元之興西北子弟盡爲橫經異才竝出雲石海涯馬伯庸以綺麗清新之派振起于前而薩繼之于袁趙虞楊之外別開生面有薩天錫集雁門

集

按元詩選云列朝詩集稱慶元方氏盛時招延天下文士天錫與林彬朱右輩皆往依焉今其集中竝無浙東往還之作此言非也卽其選本所載蘭谿舟中一絕豈非浙東詩乎且經蘭谿亦不止到慶元矣黃晉卿集中山中懷友七首胡元瑞詩數引天錫詩故廬南雪下短褐北風前之句卽黃集中山中懷友詩必有所據當是天錫客婺州流傳于此編黃集者混淆錯出元瑞據其所傳定爲天錫今卽錄元瑞所引山中懷友一首元

詩選蘭谿舟中一首入婺州流寓

山中懷友

金華詩錄外集

卷五

七

流寓

自是麒麟種卑棲又幾年故廬南雪下短褐北風前歲暮山林瘦天高雨露偏肯同兒女輩俛仰事春妍

蘭谿舟中

水底霞天魚尾赤春波綠占白鷗汀越船一葉蘭谿上載得金華一半青

袁桷

桷字伯長慶元人宋同知樞密院事詔曾孫有

文名部使者舉茂才異等授麗澤書院山長大

德初以薦改翰林國史院檢閱官累遷侍講學

士卒贈江浙行省參知政事封陳畱郡公諡文

清伯長師劉源載帥初繼在王溪壺之門復從舒岳祥遊家多藏書
又親見中原文獻其學最爲有本 按伯長觀真文忠公畫像詩
自跋云王忠簡公嘉定入朝曾大交越公獲隨班著暨端明公嘉熙
間以西山先生門人跋歷磨節先公則已捐館稱向遊學婺女得拜
端明公之次子令尹道家世遺事纏纏不絕口
伯長蓋嘗遊學于婺者也故有憶雙溪之作

賦金華方君雙魚研

海上鯁魚雙鬣紅振鬣直上嫦娥宮似嫌嫦娥太孤絕
耿耿冰雪難爲容須臾海枯不可下駢頭躍入空巖罅
翠藤交絡石皴溪太古風雷催變化得意相忘睡酣熟
開眼重光弄蛾綠跳銀破練何足奇共飽雲腴作寒玉
良工感此同死生冥搜巧琢存其形世人翕霍漫勿頸
對此三挹顏爲賴元英聞孫古俠士脫粟論交傾意氣

流寓

金華詩錄外集

卷五

三

揭來風雨泊江干拂拭雙魚落清淚平生謝子金石交
詩魂寂歷飄黃茆此中濡毫作新誌免與俗子同譏嘲

憶雙溪

清溪明處水交流萬井鱗冠蓋稠杯凝玉光明月入
幕遮翠影落花雷雲生古洞千山雨風送層樓萬壑秋
麗澤祠前最佳絕藕花零亂勝滄洲

貢師泰

師泰字泰甫仲章子以國子生中江浙鄉試授
太和州判薦應奉翰林文字歷行省參知政事
至正二十年改戶部尙書俾以閩鹽易糧由海

道轉運京師二十二年召爲祕書卿行至海寧

卒有玩齋集

仲章在延祐諸公之間雍容館閣泰甫當師旅倥偬獨擅文名于元統至元之後宛陵父子可馳騁

于虞揚馬宋之間也讀泰甫蘭
臯雅集詩爲婺州富賢無疑

蘭臯雅集

弭節蘭江渚散策嘉樹林良儔亦以集式慰離索心列

坐引疏酌慙歡契冲襟風清暑氣薄日落潭水澗高蔭

多鳴蜩時時曳餘音豈無繼緒意淹留畏官箴煙塵庶

可息吾將遂投簪

東陽歷朝詩錄黃鎮成東陽道中一首恐從此經歷者多非有登覽會合之作不輟收也

唐肅

蕭山陰人官翰林應奉

流寓

金華詩錄外集

卷五

古

題伯器水竹洞天

人間洞天三十六誰到酥溪溪上頭湘水有人栽玉遂

武陵無地入漁舟半泖龍起或成雨六月夜來疑是秋

更有高樓名積翠重重簾箔不須鉤

王良

良字止善諸暨人淮東廉訪司辟爲書吏考滿

調廬州錄事判官歷江西行省左右司員外郎

居歲餘以淮東道宣慰副使致仕

止善弱冠遊錢塘與浦城楊仲宏鄰

州劉師魯友善論詩務取法古人之雄渾脫去近世萎孺之習

五泄山二一首

七十二峯水碧白雲半掩招提清晝焚香燕坐綠陰淡處烏啼

山首層層刻畫溪流曲曲縈回巖際玉龍噴雪天風吹落瑤臺

玉華山樵

玉華山樵不知何許人洪武初來寓東陽里栢東山披麻帶笠閒吟山水間對人不肯道姓名自號性天然亦曰大呆子或曰姓王加點爲玉或曰曾隱玉華山中或曰陳友諒客遜迹至此噫四皓未免出世伯林猶嫌知名江上之漁漢

流寓

金華詩錄外集

卷五

五

濱陳畱之老不必姓名其高風自在天地間也吾以爲元之遺民而已所作詩孫揚序之曰玉

華遺稿

按東山寓賢錄昔有異人自稱玉華山樵有若方外標致殊絕兼妙詩畫其悲憤激烈之意每寫成圖而詩以發之邑志

稱寓東山日主媪善織絹偶成一機曝庭中山樵醉還取墨汁灑之媪怒曰無恙就墨跡作水牛及山水合鸞之獲重價彼無求于人而自適其性有所狹者不能強致得之者重若拱壁也臨卒語主人曰吾落魄江湖非覆載間人幸勿理我斂以布囊懸之林木足矣平時與趙希德呂伯祥孫原載諸人親善飲酒賦詩略無崖岸

雲山小隱圖爲益齋呂君寫

幽人愛巖居閉戶足清賞日出新雨霽變態千萬狀細泉流花間輕雲浮松上吾亦有山癖杖策常獨往衆妙入靜觀至虛絕遐想興來寫成圖淡然神情暢

爲主人圖壁作歌

七載間關走閩越一夜思親鬢成雪回頭往事付空花
形影相隨衣百結當時恨不蚤見幾扁舟一櫂江南歸
西風塵土障天起秋水鱸魚空自肥節今寄食荒邨裏
佳士出迎常倒屣當歌對酒忍暫歡握手論心媿知己
老懷豈能忘故山神遊往往于其間爲君寫此轉悽惻
片雲零落何時還

讀此詩其出避必有不得已者
當時恨不蚤見幾自悔之詞也

青山白雲圖爲趙君希德寫

青山青白雲白白雲去處青山隔青山有意畱白雲白
雲本是無心客中有鶴髮翁心與白雲同我來一覽心

流寓

金華詩錄外集

卷五

六

意空捉筆掃盡情無窮

題原謹孫君愛梅詩卷

萼綠之華似逸人臨流日日想風神鏡中數點忽疑雪
醉裏一時都是春月影只過虛白室空香肯逐亂紅塵
誰知歲晚心如鐵可惜吳儂詠未真

和韻答玉山呂誠中

窮途往往白頭新誰贈緜袍念故人此日不須思舊雨
空山聊自度殘春艱難作客仍多病生死無家任此身
二十年來相憶處幾回月夕與風塵

題畫梅

仙子凌波去湖山雪正迷如何雙斥鷃卻借一枝棲

巍山

萬山日落皆煙靄突兀中天只此峯最愛山前老松樹
終身不受大夫封

畫秋景

天際征帆何處舟西風昨夜已颼颼道人無限傷心事
寫作江南一片秋

金華詩錄外集卷五

流寓

金華詩錄外集

卷五

七

金華詩錄外集卷六

流寓三

明

劉基

基字伯溫青田人元進士洪武初官至御史中

丞以佐命功封誠意伯卒後至正德中追諡文

成有覆瓿集犁脩公集

楊維新云子房不見詞章元齡僅辨符檄公勲業造邦文章名世可

謂千古人豪按文成初出佐石抹宜孫定婺越在幕中及其入明當太祖下金華定括蒼之日且與宋潛溪為友寄宋云明年定約赤松子與爾羣峯頂上遊其往來于婺必非一次故以為明詩人婺州寓賢之冠

旅興

金華詩錄外集

卷六

一

流寓

泊舟巖子瀨遙望仙華山中有騎羊人皓齒頰玉顏餐霞飲沆漭坐石濯潺湲長嘯起天風落日為之還悠悠隔雲雨杳杳不可攀

此當是懷潛溪作也

自衢州至蘭谿

秋郊歛微雨霽色澄人心振策率廣路逍遙散煩襟疎煙帶平原薄雲去高岑湛湛水凝碧離離稻垂金薺麥霜始秀元蟬寒更吟幽懷耿虛寂好景自相尋心契清川流目翫嘉樹林歌傳滄浪調曲繼白雪音仙山在咫尺蚤晚期登臨

寄宋景濂

我思美人乃在仙華之山山前夜半挂河漢天津兩旗
俯可攀我欲從之阻河關初平不來白羊死瘦骨蝕盡
莓苔頑風沙蕭蕭隔人間元霜日夕彫玉顏有鳥有鳥
丁令威側身下上空孤飛女媧石墜鼈脚折海水散作
雲霏霏山中有奇樹一華一千秋美人何不折寄我使
我歎恨長凝眸深沉洞谷山鬼集陰氣六月水霜畱嗟
哉美人誰與儔明年定約赤松子與爾羣峯頂上遊

汪忠

勤蘇溪亭蘭谿權歌俱唐人戴叔倫詩高季迪煮石山房爲金華山人賦云
便當從君學此術贈金華隱者云遠望高峯若天襄俱未到此作故不錄入

黃樞

樞字子運休寧人洪武初被徵以蹙免鄉人稱

流寓

金華詩錄外集 卷六

二

爲後圃先生有後圃存稿

婺州竹枝詞

桃花雨晴春水生東風去船如箭行鯉魚活煮蘭谿酒
篷底醉眠江月明

方孝孺

孝孺字希直臨海人建文中文學博士靖難兵

至首以身殉沒後嚴禁文字門人王稔藏之以

傳有遜志齋集

按徐子元云希直文章大家詩亦豪壯非所長也此言不然其談詩云前宋文章配兩周盛時

詩律亦無儔今人未識崑崙派卻笑黃河是濁流又云天歷諸公著作
新力排舊習祖唐人粗豪未脫風沙氣難抵熙豐作後塵其宗尙可知

勉學詩

黃河西北來云是崑崙邱經行非一山回薄半九州上
有不測源下有無盡流萬化同此機不知幾春秋分明

天地心不為淺狹謀癡人用小計顛倒若無求安得申

韓氏化為古伊周潛溪稱其來學于理學淵源之統人文絕續之奇盛衰幾微之載名物度數之變離析一絲會歸大通讀此可驗

題王叔明墨竹為鄭叔度賦叔度名楷義門之裔從學潛溪

吳下王蒙藝且文吳興趙公之外孫黃塵飄蕩今白髮

典刑遠矣風流存華亭朱芾稱善畫每觀蒙畫必歎詫

謂言妙處逼古人世俗相傳倍增價昔年夜到南屏山

高堂素壁五月寒壁間舉目見修竹煙雨冥冥蛟龍蟠

呼童秉燭久不寐細看醉墨王蒙字固知蒙也好天趣

流寓

金華詩錄外集 卷六

三

畫師豈解知其意分枝綴葉人所知要外枝葉求神奇

天機貴足不貴似此事不可傳諸師麟溪鄭君好奇士

愛畫猶能賞其趣嗚呼世間作者非不多鄭君甚少可

奈何洪武丙辰正學從宋潛溪于官邸明年潛溪歸又來浦陽王忠文子博士紳為同門友紳子稔又從學于方為收其遺集藏之其淵源總在發也

吳下張弼

弼字汝弼華亭人登成化進士授兵部主事轉

員外郎出知南安府有鶴城東海二臺李賓之云東海詩清

鍊脫俗 明詩綜詩話汝弼詩酒杯不及陶彭澤詩法將隨陸放翁故其律體全學劍南

琳湖

琳湖湖上草堂幽四面窗涵一鑑秋軒冕芳塵飛不到

竹牀高枕對閒鷗

琳湖在今湯溪治北

王守仁

守仁幼名雲生字伯安餘姚人登宏治進士授

刑部主事改兵部坐救戴銑忤劉瑾杖闕下謫

龍場驛丞旋起南京刑部主事改吏部歷鴻臚

寺卿拜左僉都御史巡撫南贛論平宸濠功擢

南兵部尚書封新建伯卒贈侯諡文成有陽明

先生集

穆敬甫云王公功業學術振耀千古固不必論其詩而詩亦秀拔不可掩明詩綜詩話新建勲業氣節文章皆可

甲世特多講學一事藝尊少聞先君子之言矣心齋顏子之學也良知不動心孟子之學也大學思復戴鄭之舊定論莫息鴉鹿之爭仁智之見各殊楊墨之歸斯受其流而為禪者門弟子之過也乃訾訾之口以先生學術未純并大節疑焉噉噉素絲欲染為緇亦太甚矣按新建

流寓

金華詩錄外集

卷六

四

謫龍場驛丞過蘭谿寓大雲寺中留半月始去

題聖壽教寺

蘭谿山水窟古寺占雲岑况復經行日方多辟地心潭

沉秋色靜山晚市煙深更有楓山好時堪杖屨尋

王畿

畿字汝中山陰人登嘉靖進士官南京兵部主

事有龍溪集

明詩綜詩話龍溪學術不純詩亦駁雜

聖覽亭

孤亭渺何所幽傍蕊珠宮深曠市屢杳蕭疎墟里同境

將塵慮澹坐使道心空自得雲霞侶無勞羨赤松

聖覽亭初名一

覽亭以郡中勝槩登此一覽可見也宣德三年郡守錢潤建杜桓有記略云郡地西南隅有老氏之宮曰光孝觀觀之後有小坡隆然而起北山玉壺金盆芙蓉諸峯望之蔚然深秀東南之層巒叠嶂獻秀爭奇西見蘭江諸山遠在天際雙溪蜿蜒如白龍西飛至城下合流而去至原野岡陸荒村聚落星羅棋布于烟雲香靄之間與夫山城雉堞之睥睨寺觀樓閣之參差居民棟宇繡錯鱗次一舉目而盡得之誠一覽勝絕之地也嘉靖間郡守朱麟重建以明祖嘗登此改名聖覽光孝觀今改金華縣學亭在啓聖祠後

沈明臣

明臣字嘉則鄞人在胡少保宗憲幕府受知遇獨深宗憲死請室明臣走哭墓下持所爲誄徧爲訟寃世高其義

蘭暉竹枝

東村西村姑惡啼家家麥熟黃雲齊春蠶作繭桑園綠

流寓

金華詩錄外集

卷六

五

睡起日斜聞竹雞

張位

位字名誠南昌人隆慶二年登進士第改庶吉士授編修累官少保兼太子太保吏部尙書武

英殿大學士卒諡文端有叢桂山房集

明詩錄詩話文端以

持正忤張江陵詩頗有憂危之語其詠射鵠云方寸能幾何當此亂鎩投有感其言之也罷相于東湖杏花村建閣雲樓吟眺自娛晚探青原之勝泛舟螺川野服簞車登覽竟日老僧不識爲宰相題詩懷鄒魯瞻門人胡廷晏寺言安從寺壁見詩始知之是亦佳話

同曾郡伯遊靈洞山房

學士巖居紫翠深幸陪五馬得相尋天開靈洞畱仙蹟池有清泉淨客心鳳閣遙懸猿鶴夢松關閒掩薜蘿陰

嬋娟好月人千里何日同棲話素襟

張元忬

元忬字子蓋山陰人隆慶五年賜進士第一歷
官左諭德兼侍讀有不二齋橐

登吳寧臺懷古

赤手捍孤城官清嶺可憑東陽治南有官清嶺臣心酬馬革子舍盡

烏情但識生前願寧知死後名登臺間弔古猶有杜鵑

聲

屠隆

隆字長卿又字緯真鄞人萬歷五年登進士第

流寓

金華詩錄外集

卷六

六

除穎上令調青浦遷禮部主事歷郎中有由拳

白掄采真南游諸集

長卿在郎署跼蹙不簡罷官失意潦倒
遨遊江湖其作詩未嘗起草竹垞云才

非不高而縱情奔放不知所以裁之者也 按王元美石羊生傳云余
弟敬美與觀察同年過蘭谿謂觀察吾欲就阿戎談當勝卿遂即元瑞

劇語一夕皆申且是時王敬美曾過蘭谿與胡
元瑞有唱和一時未得其集錄之附識于此

入安文訪陳氏

畸人與天侔六合聊縱浪頭裹華陽巾手持筇竹杖遊

討協勝蹤磅礴協微尙衝寒容吳寧山水有奇狀叢條

紛翳蒼林原極莽蕩日午霰未消溪凍沙猶漲遂入安

文鄉崇岡恣騁望風俗旣淳龐境土亦清曠樸素古衣

冠雍容修揖讓垂老不出村桑麻保無恙宗黨自往還

詩歌互酬唱欣聞佳客來聚族爲供帳居然武陵源似
遇漢陰丈園收橡子實地窖松花釀客故清齋人形癯
神且王願治伊蒲餐無煩雞黍餉

安文在東陽陳氏族居于此

雙龍洞

千尺橫梁壓水低輕舸仰臥入迴溪懸崖雲葉垂垂下

削壁蓮花朶朶齊定有靈文封石簡何緣瑞榜發銀題

探奇好覓神仙侶一飯胡麻路不迷

長卿居金華最久題山川名蹟幾徧刻石者至今猶

存講堂洞云勾出五雲仙子宅裝成七寶化人居遊迴山梁園云城吞暮色來空
潤岸吐寒光破杳冥發觀云天爲名都開分野地因列宿壯山河聖覽亭云山
川總扈新豐蹕雲漢常依閣道樞俱有氣樂哭張
司馬云但歌黃鳥堪同死不信明珠解報恩更佳

王璈

金華詩錄外集

卷六

七

流寓

璈字巨虎山陰人王文成守仁弟子

過青蘿宋文憲祠

乞恩纔許別巒坡魚水雲龍竟若何一代衣冠存禮樂
百年盟誓贖山河秋風歸雁衡陽少夜月啼鶻劍水多
回首故鄉何處是蕭蕭遺像守青蘿

顧咸正

咸正字端木崑山人崇禎六年鄉舉除延安推

官死于難

明詩錄詩話端木文康曾孫與弟咸建咸受子
天達天邁父子兄弟五人後先授命不媿相門

上方巖

層層白雲堆石屋架其上鳥雀靜不喧半空人語響

何宏仁

宏仁字仲淵山陰人陶爽齡甥崇禎十年登進士第明亡棄家依東陽友人李爲芝數年卒于

東陽

月夜聽李景定彈琴

我雖不善琴頗識操縵理清節聳秋山和神漾春水本
不出戶庭其聲滿流峙永漏碧沉沉寒空洗天耳信指
諧金玉匠心出宮徵螿怒一以平鳳語良足喜令我蕩
心胸笑抵老泉几新聲與古聲彈月長如此好爲畱麴
桐引焦聽知已

流寓

金華詩錄外集

卷六

八

楊瑾

瑾會稽人

題左溪齊雲閣

在浦江

我亦似孤雲來到齊雲閣出處本無心同在天一角

李延昱

延昱初名彥貞字我生一字期叔後更今名改

字辰山上海人隱于醫晚居平湖佑聖宮自稱

道士有放鵬亭集

明詩綜詩話辰山生長仕族人不知其門閥策名仕版人不知其官貧博綜典籍人

不知其儲藏潔治酒肴人不知其抱藥及疾革平居既好一瓢一笠一琴一硯悉分贈友朋而以儲書二千五百卷畧余誦其詩知爲徐

孝廉閻公之弟子然其出處本末終莫得而詳也

永安湖送戴集之歸婺州

一片滄浪水南湖與北湖柴扉明落日漁艇暗春蒲聚
散當佳節悲歡屬老夫戴顓棲隱處風物滿長塗

送邵漢句歸蘭谿

屈指蘭谿路乘風四日程江聲敲枕急山色滿船輕汝
自輕行止人誰解送迎金華仙洞裏瑤草石臺生

過宣和嶺至義烏界追憶先師孝廉徐闇公先

生相期卜居處

聞說烏傷界前期似夢中四圍青嶂合一道白雲通樓

隱終難遂飄零轉易窳原注先生沒于潮州門生頭白盡無路哭遺

流寓

金華詩錄外集

卷六

九

踪

讀此三詩辰山之來往于婺州必非一日故即據此以入流寓

沈壽民

壽民字眉生宣城人崇禎九年詔舉賢良方正

應天巡撫張國維以壽民薦入都適宣大總督

楊嗣昌奪情起兵部尙書抗疏爭之不報投劾

歸由是臺垣感激章疏疊上實自壽民倡之也

阮大鍼既得志將出緹騎逮壽民乃變姓名携

家匿金華山中久之還故里卒門人私諡曰貞

文先生

貞文居金華久未得全集錄之從明詩綜錄答戴子一詩以存其人

答戴子

獨坐寡懽惊起步庭南端悠然何所矚吾自愛吾山故人遺我書贈我古錦篇清辭響哀玉抗意天雲間世事總戚促擾擾不得閒甘陵房與周南北部相捐如何程夫子名共蜀朔傳有道秉昭曠感昔心憮然三復三太息歸鞞東岡田

錢肅潤

肅潤字礎石無錫人自號十峯主人

贈沈脣生隱君

原注脣生學道北山自號鹿田山人

歷卻金星又發星南山何白北山青鹿田風雨依然在只空山人不忍聽

流寓

金華詩錄外集

卷六

十

國朝

丁澎

澎字飛濤仁和人順治十二年登進士第官禮

部郎中有扶荔堂集

汪鈍翁今世說丁葑園與宋荔裳施愚山嚴顯亭輩稱燕臺七子名滿京師

徐電發本事詩小序嚴顯亭云祠部少時有白燕樓詩流傳吳下土女爭相采撫以書衫袖發州吳陽如有句云恨無十五雙鬟女教唱君家白燕樓爲一時傾倒如此

答李紫翔大令禪寺見贈

不見李生久云從二峴來書囊惟賦草山寺且銜杯雨浸蒹葭長春深杜若開相逢嗟失路誰復解憐才

連陰難放遣率意且畱賓謝椽誇名士淵明怨醉人辣

嫌新漉酒冷著舊綸巾羨煞春江好花明錦作茵
客至日云暮野蔬同此尊雨多生石溜水落見苔痕遠
岫隨雲出閒庭任鳥喧蹀然空谷裏相對欲忘言

將軍能送酒原注幕府驍公乘興已陶然失著爭棋道論詩拍醉

肩石羊遙在望蠟屐滑難穿昔和休文詠真慚第一篇

按梧岡有丁藥園祠部遊婺州塘子密印禪寺奉贈五律四首句云六朝名太守一代老詞人注云時太守王公迎祠部至郡

孫蕙

蕙字樹百淄川人順治十八年登進士第官給

事中有笠山詩選

漁洋文略笠山少負奇氣承其家學尤善為詩五言如禁煙寒食路露雨杜陵春爽

嶺午峯竹清流幽澗泉一帆涼月轉四面翠屏開七言如河聲入洛三門合嶽色來秦萬里明黃菊候中無雁到綠榕林外有猿啼雖古

作者無以過也

金華詩錄外集 卷六

登八詠樓

翠屏廻合萬峯收
婺野星分古縉州
官廨閒雲遺碣在
人琴往跡大江流
西堂春草年年合
南浦飛鴻字字秋
苦憶東陽清太守
苔陰滿地客登樓

沈涵

涵字度汪歸安人康熙十五年登進士第改庶

吉士授編修歷諭德東陽劉侯坦菴宮門人也康熙乙亥來署中吟咏甚多

古栢行

趙家祠前連理栢
磊由嶽崎勢千尺
上蟠翠蓋摩蒼穹

下挺虬枝踞白石鐵榦輪菌黛色寒霜皮皴皺苔痕碧
孤根直借斷鼇伏雙掌疑經巨靈擘玉露晴飛鶴鶴叢
銀濤夜吼蛟螭宅相傳炎宋南渡時移根遠自汴梁陴
初栽益盎供幽興旋徙庭砌承華滋星移物換更幾代
亭亭屹立長如斯我聞此言三太息興亡俯仰嗟何極
豪梁王氣終衰熄此樹巋然魯殿存兵烽樵斧難消蝕
豈是皇天雨露私應知呵護神靈防君家世胄本龍種
銀潢散寄承恩寵鐵券丹書縱渺茫簪纓累葉還隨踵
只今堂上肅明禋俎豆綿延六百春地靈人傑相表裏

沈寓

金華詩錄外集

卷六

七

是物誕降非無因璋材自昔稱國器喬木由來重世臣
相期慎保後彫質永作清時廊廟珍

東陽雜詩

高樓四面屋如城廳事前頭茉莉榮客到烹茶甜似蜜
滿杯瓜菓浸香飴

夜夜鳴鑼滿縣城沿街戶戶說催鐙孟冬朔日迎神會
火樹星毬徹曉明

沈辰垣

辰垣字芷岸嘉善人康熙二十四年登進士第

官翰林院編修

康熙癸酉三月訪
景侯誠閣至東陽

董澹齋廣文惠新刻

三策才華雅擅長青瓊幾載滯江鄉家傳繁露高詞苑
人坐春風過講堂自是詩名同石鼎應知宅相本柴桑

原注陶石梁先生
為澹齋外家尊行

何當繡段都投贈吟罷惟聞齒頰香

澹齋送
芷岸詩

云便擬浮湘學子長畫溪煙雨似家談經夜過揚雄宅載酒春登車父堂江左
風流今構李日邊詞賦舊扶桑行尋水樂追遺韻片片飛花屐齒香又逞宮詞詩
云雙峴峯前積翠稀鷺鴻秋老客將歸謝公絲竹畱遺韻宋玉登臨悵落暉
明月自隨流水去閒雲還傍故山飛沈侯正有關心事不為清吟減帶圍

華炳泰

炳泰字彙光一字若虛無錫人以事至東陽畱
十載與王崇炳李鳳雛交有琪華閣詩詞諸集

誌感呈董學師

流寓

金華詩錄外集

卷六

三

世人欲殺嗟何因公乃慨然意獨真天高難輓西山日
今古長畱南阮貧短衣潦倒崑山郭飄零孤劍無終泊
知有江郎憔悴時風流何事當初莫烏衣更愧舊家聲
付與河橋一夜情多少金閨通籍伴乘車戴笠殊情形
欣逢隻眼能畱白相知何必曾相識一曲高歌楚越間
元龍湖海氣還溢千金敝帚未為癡僧房妓館互棲遲
身世千杯酒功名數卷詩人生得意等寒馬據牀揮塵
誰上下狂絕惟餘禰正平苦苦逢場熱笑罵此生出處
向誰論高齋詩酒契以神片言慰藉如骨肉矚我明哲
能保身半耐徒倚更深後朦朧淡月映疎柳丈夫一諾

杳難期明月三五尋常有今朝知我鮑叔多綈袍不居
奈范何但願往還適我意差免歸來彈鋏歌

彙光七古詩
露不羈之態

友人園中竹密成圍行坐其間如入洞天

小圃斜通澗橫塘密隱林無風常帶響未雨獨成陰晝
向疎中覓詩於澹處吟夜吟光欲透明月到天心

獨坐

漫道秋深漏亦遲昏鴉猶似繞棲枝青閨刀尺含愁夕
虛館菜萸中酒時轉盡羊腸孤客路添成蛇足幾行詩
無聊不到銷魂處肯信當年宋玉悲

董幼待師臺卽席賦隔牆亂螢分支字

流寓

金華詩錄外集

卷六

十四

微物生輝與夜宜繞籬明滅頗參差光分藜火青舍處
影似星橋彩散時生計自依三徑草飄零偶傍隔牆枝
往來也惜儒冠悞不向書窗拂絳帷

寒食

半榻茶煙數卷詩經年慘澹爲誰支乍逢風雨賣餚夕
正值心情中酒期客路鶯花俱是淚歡筵弟妹竟長離
故山草沒先慈隴夢裏曾容奠一卮

魏儒勲

儒勲字景書嘉善人忠節大中孫

次韻奉酬董幼待先生

江都三策垂鴻文長沙以後誰比倫詞場藝苑最跌宕
九秋一鶴搏青雲著書矻矻老揚子成蹊只博桃李繁

榻來更復陶吟詠好客常分苜蓿餐我攜遊屐隨安定

原注時從沈正岸大史來吳寧座中相識由王孫原注謂趙爾玉孝廉翦燈偶語前朝事

太息闔黨掀乾坤普天節甫仇善類望門重趼無由奔

是時先後六君子同罹五毒勿復云君家中丞樹清節

依然門戶小東尊抗疏曾觸宵小怒籜冠蕙裳晨星存

嗚呼黨魁孫子近蕭瑟姓名懶向稠人言溯君前軌本

合轍尊前爲君細討論賤子蓬心久不治何當啓牖芟

陳根自顧不覺啞然笑度非拔山力可援詼諧素薄曼

流寓

金華詩錄外集

卷六

五

倩舌遊說勿學淳于髡先生知我勝自知一語良足邀

齒芬務去陳言鄙章句僅畱遺笏慰忠魂庶幾兩翼生

羽翰乘風習習渡江邨

魏坤

坤字禹平嘉善人孝廉工詩善書

寓法界寺

邑治西偏寺居然竹徑淡市聲喧不到山色冷相侵偶

聽三飯義偏徵七處心蕭疎秋雨歇清磬發高吟

昆盧閣

傑閣蒼然立吳寧盡日中有雲都作雨無鐸不吟風天

近飛空翠林疎綴晚紅檐前如潑黛兩峴列西東

蘇輪

輪字子旋杭州人有詩名工書

登法界寺毘盧閣和魏禹平韻

四山莽回合高閣出煙中有客此孤眺無言鈴語風雲

噓沙岸白樹帶水花紅峴首思遺愛襄陽竝浙東

查嗣琛

嗣琛字德尹海寧人進士官翰林提督順天學

政

乙酉春重過法界寺閣讀蘇月槎許莘野題壁

流寓

金華詩錄外集

卷六

七

詩次水邨韻

十載題詩客茫茫聚散中殘僧歸嶠月游女落花風旅

鬢春難綠衰顏酒暫紅青山懷古意籠壁愧江東

金介復

介復字俊民嘉興人副榜貢生

登法界寺閣次韻

寺閣臨城迴憑闌俯仰中出雲何處岫吹雨一天風秋

草猶餘綠衰顏不駐紅同君苦行役謀食又西東

按此和韻諸詩

亦字與之作有負詩名者一鱗片甲本不足見所長聊錄此以誌法界一時勝集

孫士能

士能字潛仙原籍徽州隨父商于浙之湖州是
焉來游金華教授生徒樂此間山水挈家于此
精于醫藉以自給妻子既喪依友人家年八十
八卒其友人爲葬于赤松門外有發邱詩草梅
雪吟金華卷鎮婺州潛仙來爲西席歷三載雲菴去而潛仙愛婺州
山水遂挈家以居喪其妻子依友人以居敦古道重氣證稍不
合卽去不形于詞色亦不能強留也性孤介難與親而人
樂與之處卽其初見忤者後亦旋悔蓋其服人有素也
雙溪烈女辭

良人生兮天一涯良人死兮誰爲家可憐空縮同心結
可憐空對斷腸花腸斷相思無可訴不如同赴泉臺下
一朝碧血化啼鵑斷髮截鼻何足慕山有木兮水有鴛

流寓

金華詩錄外集 卷六

七

鴛翼相比木理連在山化作望夫石在水化作蒼梧煙
雙溪迢迢衆所覩合處難分自古錦屏翠幄足歡娛
那比墳前一撮土潛仙詠梅云見影長餘十日思傳神妙句惜對未稱詠
雪云鴉點遠將孤影度梅魂斜倚一枝明亦尙有致

蒲萄架

密葉垂珠影萬重書齋借得碧雲封北窗一覺迷離月
身在清涼第幾峯

舟行

舟行面面送青來一望周遭鎖幾回十幅蒲帆衝浪去
忽然山影破江開

周玉章

玉章字傲大仁和人乾隆二年登進士第改庶
吉士授編修歷翰林院侍讀歸掌麗正書院教
育未幾已卯中秋東藕塘主人招陪本府別駕鮑公暨
廣文周薑園歲進士仲小海讌集別駕首唱
次韻二律

銀塘百頃浸羣巒
菡萏香中盡主歡
玉樹謝庭森爾許
牙籤鄴架插如干
園林舊築籌軍地
冠蓋新邀守土官
急雨忽跳珠萬斛
一時傾向赤瑛盤

不教明鏡劃輕舳
賸與環邨便泚盃
最泥人兼勝境
花如乞語况吾曹
擘箋先走叅軍筆
覆酒從汚學士袍

流寓

金華詩錄外集 卷六

六

欲向水仙申後約
迎涼重擬續風騷

章愷

愷字北亭嘉善人乾隆九年登進士第改庶吉

士授編修麗正書院掌教

東藕塘賞荷

勝墅名園步履通
藕花開放岸西東
水亭繞檻珠生雨
夏日扶闌香滿風
一隊舞衣張靜婉
半奩粉本杜洪濛
從來誇說西湖好
卻愛清涼到此中

登八詠樓

莫將風月溯當年
新景臨窗賞目前
溪水雙流生翠澗

山嵐兩面見蒼巔落花卷幔紅樓酒細雨迴帆綠箸船
更聽城南翻舊曲入雲瀏亮遂聲圓

丁健

健字誠叔錢塘人龍泖先生敬子以詩古文世
其家諸老宿許爲大器惜不末年其先世本居

金華之塔山下稽靈堂遷于杭已六世健以令

客來遊歌詠其風土亦一勝緣也

龍泖先生古心古貌而學古者也與梁文

莊昆季暨勾山董浦椒園樊樹諸前輩爲論文講學之友著述甚富書籍亦購求古本多人所未見者惜燬于火十不能存其一而誠叔又早卒此有心者之所傳歎也今誠叔弟傳佺能承其子姪以學行共相勵當必有繼而起者因錄詩及之

夜宿山家

流寓

金華詩錄外集

卷六

九

洞中遊未能勝情鬱不暢借榻得山家門徑頗清曠天
寒迫晚色風拉林莽漲童稚出看客闖籬攀衣桁照夜
然松明進酒傾溪釀雞聲隱綠蘿人語落青嶂明朝下
山去定倚瘦筇望懸知託宿處曾在白雲上

遊智者寺遂至芙蓉菴

亭亭芙蓉峯青延數百里城中舉首望忽落芒鞋底錦
峯繡嶺環名藍卓其裏樓約此開山元言契帝旨代興
嗟無人殘僧數輩耳不識西來意但把東田耒飢禽上
石牀寒竹照池水緬懷清溪圖已隨人代徙

原注張公謫清溪圖上有蘇東

坡秦少游郭功甫張浚道諸賢題詠真蹟在智者寺見吳禮部詩話

贖讀龜堂碑惜未攜墨紙鄰菴

隔牛鳴三門亦頽圯無花供客看側想晞髮子

原注看花春到寺謝

皇羽過菜
葵菴詩也

老松作龍吟徘徊迫短晷破衲擔樵歸日落泉

山紫

前詩云天寒迫晚色風拉林莽礙此云錦峯
繡嶺環名藍草其裏生坂之句未易多得

蘭谿換鷓鴣船乘月抵雙溪城下

蘭陰城邊漁火紅孤篷單檠搖霜風羣山隔岸靜如睡
氣象慘澹經營中須臾林際月光起倒轉星河落波底
邨墟何處夜歸人犬作豹聲聲不已利涉心輕五百灘
道路誰念舟人寒蒙頭絮被牀頭酒遊子休歌行路難
臘月六日董使君招遊金華三洞以沙淤洞穴

不得進而止

金華詩錄外集

卷六

三

流寓

吾聞三十六洞洞元之天傳金華風昔欲往未得往如
癢忽就麻姑爬使君勝情過康樂償余願力多年奢緣
澗得得馬蹄疾奚羨汗漫乘飈車穹然倏見洞門闢通
明石屋何崙衍此山自爲仙官守永無犀兕豺虎蛇雙
龍頭角裂石出作鱗之而身盤拏晴天擬挾風雨至深
黑定爲龍所家惜哉扁舟膠淺水乾糝委地堆金沙甚
欲燐火精物隱蒙流何日慳蝦蟆蕭至元題闕幽宵謝
臯羽記徒傳誇無所用目安用足巖南妙句空咨嗟

原注

足以目故差輕便方
艸卿遊三洞句也

冰壺想象水簾卷朝真蚤已韜陰霞鼉行

猿接誰復能再來只恐迷津涯滿山竿石叱難起風吹

巨勝溪邊花鹿田聽雨亦幽絕且借茆屋炊胡麻韻父足以目故

差輕便極勝賞之情此云無所用目安用足寫尋幽不得悞恨之意亦十分刻露

蘭谿舟中對月懷陳寶所舍人

作客嗟余倦哦詩憶汝工劇憐江月近未得故人同紅

藥翻新句青楓繫短篷梅花又開落誰與弄絲桐原注寶所向爲

余彈梅花三弄

秋日同董上濱遊七寶禪林

寬鄉瘦地自成邨與客來敲精舍門乍到渾疑林雨至

坐來始覺竹風喧閒花落地何人見清水浮階任鳥翻

畢竟豪華歸物幻蒲團欲就老僧論原注寺昔爲豪家所占故云

流寓

金華詩錄外集

卷六

三

雙溪五侯曲六首有序

五侯者邢公胡公以下凡五神皆有功于民

宋元以來屢加封號非吳下五通神之比俗

以八月十又六日挈鉦迎賽去年告災此禮

遂廢新奉 詔贈卹良吏執事惟恪于是乎

慶有秋焉禮云一日之蜡百日之澤吾未見

其若狂也竊仿竹枝體爲歌詞六章以俟後

之採風者時壬申中秋後一日

去年高壟麥無秋今日低田稻滿篝民還舊俗傳新

詔處處敲金賽五侯

家家團社獻雞豚酒熟金華注瓦盆餅大千邨歡喜說
去年老齒嚼榆根

八詠樓前綺結臺赤松門外舞場開笑他高髻銀鬟女
不向閒坊靜巷來

誰將白牯鬥烏犍一豎持鞭一豎牽彷彿戴嵩圖裏見
霎時賺取看場圓

經年盼得此閒遊懶牧羣羊懶放牛癡兒吹裂猢猻竹
斜日烏鳥聲未休

昨宵圓月今宵滅阿儂愛月啓雙扉來尋十洞團圓影
爲上虹橋踏月歸

流寓

金華詩錄外集

卷六

三

附錄

張表臣

表臣不知何許人

婺州山中詩

作剛捉詹卸呼田歛乃儂山塘莫車水梅雨正分龍

宦隱何

不傳名氏但自署曰宦隱何云

題東陽一草亭

邨是尙書姓是劉轆轤注水冷啾啾農人不識前朝事

鑿碎銅駝塞稻溝

賣錫老叟

叟山陰人

叟不言名氏賣錫東陽至盧杞亭秀才館中見壁上市明吟數過杞亭異之與談叟亦不自銜也一日以古墨一挺贈盧并詩一首畱別未署兩亭載樓更一草亭隨筆又有譚起男茶陵人隱于梨園走江湖至東陽或贈以詩隨口和答格高意曠有如燕巢桂坡李氏爲之序吳復自蜀中來至東陽病不能覓食乞于道王鶴潭見之與飯問知姓氏係諸生以事出門飄流失所解囊得古律數章皆可誦者一人詩惜俱不傳附著于此

畱別

青山疊疊水悠悠王粲無歸獨倚樓此去會稽山下路
蘭亭絲竹已成秋

方外

馬湘

流寓

金華詩錄外集

卷八

三

湘字自然不知何許人唐建中元年八月十五日自霍山至永康延真觀指庭松曰此松已三千年矣當化爲石已而果然忽大風雷震石裂數段刺史楊發昇其二入郡齋以其二置龍興寺九松院各高六七尺故根尚存湘爲人類風狂能與人已疾手持竹杖向病者吹杖頭如雷鳴疾卽已或以杖擊病處或指之惟其意也亦

喜爲詩

按浙東志湘錢唐人或曰鹽官人少爲史好經史工文學嘗徧遊方外至湖州醉墮雲溪經日而出衣不沾溼指溪

能令逆流每飲酒于白塔巷酒肆一日沉酒謂主人曰我今仙矣所通焉得酬遂出囊中藥化賣酒鑄器並爲紫金宋大中祥符間卒葬于其家東園明年東川秦梓潼縣有道士馬自然白日上昇杭人發其墓僅存竹杖 永康志延真觀在縣北六十步舊名寶林梁大同

元年建宋大中祥符間改今
名嘉泰中立亭曰松石館

絕句

昔日曾隨魏伯陽無端醉臥紫金牀羣仙拍手嫌輕薄

滴向人間作酒狂

胡元瑞云豪宕可喜第與許礪詩頗相亂礪亦晚唐視
湘稍後又秦望山詩云太乙初分何處尋空雷歷駭

人心九天日月移朝夕萬里山川換古今風動水光吞遠嶠雨添風氣沒高林秦
皇漫作驅山計滄海茫茫轉更深此詩句格崢嶸尙有大歷前意三四居然作者
亦古今羽流
第一首也

金華詩錄外集卷六

流寓

金華詩錄小集

卷六

十四

10807

